



Qeqqata Kommunia

Kommunemi nalunaarusiaq

Kisitsisit pingaarnert kalaallit nunaanni meeqqat atuartut pillugit misissuineri HBSC Greenland 2018.

Atuakkap imarisai

SIULEQUT.....	1
ATUARNERMI ILITSERSUUT	2
1. SIUNERTAQ PERIUSERLU.....	3
2. ATUARFIMMI AVATANGIISIT	5
3. PEQQISSUSEQ ERSIUTILLU	9
4. PEQQISSUTSIKKUT PISSUSEQ	11
5. ATUGARISSAARNEQ INOOQATIGIINNERMILU ATTAVIIT.....	19
ILANNGUSSAQ: ATUARFIIT PEQATAASUT, PEQATAASULLU PROCENTII 2018-IMI	23

Siulequt

kalaallit nunaanni meeqqat atuartut pillugit misissuinermi HBSC Greenland 2018 tassaavoq nunat assigiinngitsut akornanni ilisimatusarnikkut suleqatigiinnermi kalaallit nunaanniit tapersiilluni ilanngussaq Health Behaviour in School-aged Children (HBSC)-mut. HBSC-imi iluarsartuullugu pilersaarussiaq immikkuullarissuuvoq, ukiut sisamakkaarlugit suliarineqartartoq Europami Amerika avannarlermilu nunat 48-t maanna peqataaffigiligaat. Misissuineq meeqqat atuartut peqqissusaannik inuuniarnikkullu atugarisaanni peqqissutsikkullu pissuserisaanni piffissap ingerlanerani malinnaasinnaavoq anguniagaraalu suliap naammassisap inernerisa sumiiffinni peqqissutsikkut siuarsaalluni suliniutini kommunini ataasiakkaani atuarfinnilu atorpeqassasut.

2018-imi aalajangersimavugut inernerit katersorniarlugit kommunini nalunaarusiatut. Kommunemi nalunaarusiat kisitsisit pingaarnerit immikkut qinikkat atuarfinni peqataasunit pissutsit takutippaat. Siunertaavoq sumiiffinni kisitsisit maannakkut atuuttut peqqissutsikkut siuarsaalluni suliniutini tapiusinnaasut saqqummiutissallugit. Tamatuma saniatigut kingusinnerusukkut nuna tamakkerlugu Kalaallit Nunaanni aamma nunat assigiinngitsut peqataasut tamarmik ataatsimut nalunaarusiaat naqiterneqarumaarput.

Annertuumik qujassuteqarfigerusuppavut atuarfiit misissuinermit tapersersuillutik peqataanerannut – tassami atuarfiit, ilinniartitsisut atuartullu tapersersuisimangikkaluarpata misissuineqarsimassangikkaluarpoq. Kommunemi nalunaarusiaq Qeqqata Kommuniamu pisoq Birgit Niclasen-imit aammalu Karl-Emil Frid HBSC Greenlandimiit suliarineqarpoq.

Atuarluarisi

Birgit Niclasen, Nakorsaq, PhD.

Kalaallit Nunaanni meeqqat atuartut misissorneqarnerani iluarsartuullugu pilersaarusiame aqutsisoq,
HBSC Greenland

Atuarnermi ilitsersuut

Kommunemi nalunaarusiaq kapitalinut 5-nut agguataagaavoq. Kapitel 1-ip HBSC-p misissuina kammunemilu nalunaarusiap tunuliaqutaa siunertaalu allaaseraa. Kapitel 2-5 kisitsisit pingaarnert sisamanut ukununga agguarneqarsimasut: **Atuarfimmi avatangiisit, Peqqissuseq ersiutillu, Peqqissutsikkut pissuseq** kiisalu **Atugarissaarneq inooqatigiinnermilu attaviit**.

Nalunaarusiap inernerisa isummat periaatsinut tunngaviusut 6-it aallaavigai:

1: Atuaruminarsarniarlugu nalunaarusiap misissuinnermi kisitsisit pingaarnert kisiisa saqqummiuppai. Assersuutigalugu atuartut peqqissusaannut apeqqut sisamanik akissutissanik periarfissaqarpoq: ”Assut peqqippunga”, ”peqqippunga”, ”naammaannarpoq” aamma ”ajorpunga”, tassani taamaallaat akissut ”peqqippunga” imaluunniit ”Assut peqqippunga” ilanngunneqarsimavoq.

2: nalunaarusiap ersersingilaa soq atuartut taamatut akisimanersut. Misissuinerup ilusaa taassaavoq siammarsimasumik misissuineq taamatullu misissuinerup tunuliaqutaasut peqqutigisaat paasitineq ajorpaat.

3: Procentinngorlugu naatsorsugaq atuartut apeqqummut akisimasut tunngavigai. Atuartoqartuaannarpoq apeqqutinik ataasiakkaanik akisaqarsimanngitsunik.

4: Takusassiani atuarfiit inernerit kammunimi nunalu tamakkerlugu misissuinerit inernerinut sanilliunneqarput. Inernerit ilaat aamma suaassutsinut klassinullu agguataarsimasarput (5-6. klasse, 7-8. klasse aamma 9-10. klasse) inernerit nukarlernit angajullernut aammalu nukappiaqqat nivarsiaqqallu akornanni assigiinnginneq annertussasoq naatsorsuutigineqaraangat.

5: Nalunaarusiaq manna suliarineqarpoq saqqummersinneqarlunilu meeqqat atuartut misissorneqarnerisa naammassineqarnerata kinguninnguagut. Suli paasissutissat nutarterneqarallassapput. Taamaasilluni inernerit saqqummiunneqartut assersuutigalugu kingusinnerusukkut nuna tamakkerlugu misissuinerup inernerinut sanilliullugit nikingassuteqalaarsinnaapput.

6: Atuartut kinaassusiisa isertuunneqarnissaat qulakkeerniarlugu atuarfiit minnerusut 50-inik atuartut akissutaannik tunniussaqaarsimasut atuarfinnut allanut saniliinut ilanngunneqartarsimapput.

1. Siunertaq periuserlu

Misissuineq HBSC ukiut sisamakkaarlugit ingerlanneqartarpoq 2017/2018-imilu nunanit 48-init imaluunniit nunat immikkoortuinit peqataaffigineqarpoq. Kalaallit Nunaat HBSC-mi 1994-imili suleqatigiinnermut peqataasarsimavoq.

HBSC-mi misissuinerup siunertaraa:

- Atuartut peqqissusiisa, inuunerisa peqqissutsikkullu pissusiisa ilisimaneqarnerulernissaata annerulernissaa.
- Atuartut peqqissusiisa, inuunerisa peqqissutsikkullu pissusiisa piffissap ingerlanerani malittarinissaat uppersarnissaallu.
- Peqqinnerulernissamik siunertallit suliat atuartunut sammitinneqartut paasineqarlutik iluaqutaanissaat.

HBSC Greenland tassaavoq nuna tamakkerlugu apersuinermi skemat atorlugit misissuineq. 5-10. Klassini atuartut tamarmik misissuinerup peqataanissaannut qaaqquneqarput. Kalaallit Nunaanni atuarfiit tamarmik 2018-imi attavigineqarput peqataanissamullu qaaqquneqarlutik. Atuarfiup siulersuisui aalajangiisarput atuarfik peqataanissaanut kissaateqarnerlutik misissuinerlu aallartinginnerani atuartut nalunaarfigalugit paasitillugillu peqataasinnaasut namminneq piumassusertik malillugu. Taamatut periuseqarneq nuna tamakkerlugu ilisimatusarnermi ileqqorissaarnikkut komitiip akuerisimavaa. Misissuineq kinaassutsinik isertuussivoq taamaammallu atuartut ataasiakkaat kinaassusii paasineqarsinnaanngillat. Atuartut ullormi misissuiffimmi najuuttut periarfissaqarput peqataanissamut.

Misissuinerup apersuinerup skema makkunanga imaqarpoq 1) apeqqutit pinngitsuugassaannngitsut nunanit peqataasunit tamanit atorneqartut, 2) apeqqutit nammineq qinigassat nunat aamma apeqqutigisinnaasaat aamma 3) apeqqutit nunamut (kalaallisut) tunngasut. Misissuinerup paasissutissanik katersuineq aprilip naanerani junip tunganut 2018-imi ingerlanneqarpoq. Paasissutissanik katersineq kingusinnerusukkut aallartissimavoq misissuinerup siusinnerusukkut ingerlanneqarsimasunut sanilliullugu apersuinerup skemap suliaralugu pitsaassusaata qulakkeernissaa annertusimammat. Tamatuma kingunerisimavaa 10. klassini atuartut amerlasuut naggataarutaasumik soraarummeernertik ulapputigisimammatigik taamaasillutillu misissuinerup peqataanissamut periarfissaqarsimanatik.


Kalaallit nunaanni atuarfiit ataatsimut katillugit 53-t peqataasimapput. 2018-imi misissuineq siuner-taqarsimavoq apersuineri skema qarasaasiakkut suliaq atorniarlugu, unammisassalli assigiinngitsut qarasaasiakkut peqataanissamut tunngasut peqqutigalugit – soorlu atuarfiit peqataasut apersuineri skema qarasaasiakkut internet aqqutigalugu atorusunnerlugu imaluunniit pappiaqqamut naqitaq atorusunnerlugu qinigassaqaarsimapput. Nuna tamakkerlugu atuarfiit 16 qarasaasiakkut allattuillutik peqataasimapput 37-llu apersuineri skema pappiaqqamut atorsimallugu. Qeqqata Kommunian atuarfiit 9 peqataasimapput, taakkunannga atuarfiit 5 qarasaasiat atorsimavaat 4-llu apersuineri skema pappiaqqamut atorsimavaat.

Kommunit naluarsiat kisitsisit pingaarnert qinerneqarsimasut atuarfinneersut kommunimi aammalu kommunimi tamarmut nunalu tamakkerlugu inernerit takutippaat. Tamanna periarfissiivoq atuarfiit inernerit imminnut sanilliutissallugit kommunimut tamarmiusumi aammalu nuna tamakkerlugu katillugit inernerit. Uuna kommunimi naluarsiap kisitsisit pingaarnert inernerit saqqummiuppai Qeqqata Kommunian atuarfiit peqataasimasunit.


Neriuutigivarput naluarsiat sumiiffinni oqallitsisumaartut aammalu sumiiffinni peqqissutsikkut siuarsaalluni suliniutini tapiusinnaasut. Oqaaseqaateqarusukkussi apequtissaqarusi annerusumi-lluunniit paasisaqarusukkussi tikilluaqqusaavusi aqqissuullugu suliami aqutsisoq Birgit Niclasen attavigissallugu E-mail: niclasen@transport.gl imaluunniit oqarasuaat: +299 523832.

2. Atuarfimmi avatangiisit


Atuartut ullormut nalunaaquttap akunnerpassui atuarfimmiittarput. Misissuinerit takutittarpaat meeqqat atuarnermik nuannarisaraqaraangata atuarfiit avatangiisaat ilinniartitsisut atuaqatillu aqqutigalugit tapersorsorneqarneq meeqqat misigisarsimagaat, tamannalu atuartut peqqissutsikkut pissusiinut, atugarissaarneranni inuunerminnillu naammagisimaarinninnerannut pitsaasumik sunniuteqartarsimapput. Atuarfimmik naammagisimaarinninneq apeqqutitaqarpoq: ”maanna atuarfik qanoq isumaqarfigaajuk?”. takussutissap 1-ip takutippaa atuartut akisimasut ”ajunngilaq” imaluunniit ”ajunngilluinnarpoq” atuarnermik nuannarisimavaat agguataarlutik atuarfimmut, kommunimut nuna tamakkerlugu aammalu klassimi.




Misissuinerup atuarnermi sulianit naqisimaneqarneq paasiniarpaa apeqqutikkut: ”*atuarfimmi suliassannit qanoq naqisimaneqartigivit (atuarfimmi aamma angerlasimaffimmi ilinniagassanit)?*”. takussutissap 2 atuartut akisimasut “*ilaatigut*” imaluunniit “*assut*” atuarfimmi sulianit naqisimaneqarnermik misigisimasut qanoq amerlatiginersut ersersippaa agguataarlugit atuarfimmi, kommunemi, nuna tamakkerlugu aammalu klassini.




Misissuinermi aamma apequtigineqarpoq ilinniartitsisut atuaqatillu aqutigalugit tapersorneqarneq qanoq atuartut misigisarsimaneraat. takussutissap 3 atuartut ilinniartitsisuminnik tatiginnillutik misigisimasut qanoq amerlatiginersut ersersippaa agguataarlugit atuarfimmi, kommunemi, nuna tamakkerlugu aammalu klassini.



Takussutissap 4 meeqqat atuartut klassiminni ataatsimooqatigiinnermik nuannarinnittut qanoq amerlatiginersut ersersippaa agguataarlugit atuarfimmi, kommunemi, nuna tamakkerlugu aammalu klassini.




Atuartut atuarfimmi najuunnerat annertuumik piginnaasatigut inooqatigiinnikkullu ineriartornerannut sunniuteqartarpoq. Atuanngitsoornerit napparsimanermik amerlasuutigut peqquteqartarpoq kisianni aamma nalinginnaasumik atugarliornermik allatullu ajornartorsiornermik peqquteqartarpoq. Takussutissap 5-ip ulluni kingullerni 30-ini peqqutissaqaratik imaluunniit napparsimallutik atuanngitsoorsimanngitsut qanoq amerlatiginersut ersersippai agguataarlugit atuarfimmi, kommunemi, nuna tamakkerlugu aammalu klassini.




3. Peqqissuseq ersiutillu

Peqqinnginneq atuartunut annertuumik kinguneqartitsisinnaavoq. Piffissaq sivikinnerusoq eqqarsaatigalugu atuangitsuukulanermik aammalu ilinniarnissamut ajornartorsiuteqarnermik kinguneqarsinnaavoq. Piffissaq ungasinnerusoq eqqarsaatigalugu peqqiilliorneq inersimasunngornermut malinnaasinnaavoq. Imminut peqqissutsikkut nalilerneq paasineqarpoq atuartut peqqissusaannut anguniagassaalluartoq. Atuartut peqqissusertik apeqqummit uannga nalilerpaa: *”Peqqissutsit qanoq isumaqarfigaajuk?”*. Takussutissap 6-ip atuartut peqqissutsiminnik naliliisimasut akillutik *“ajunngilaq”* imaluunniit *“ajunngilluinnarpoq”* qanoq amerlatiginersut ersersippaa agguataarlugit atuarfimmi, kommunemi, nuna tamakkerlugu aammalu klassini.




Atuartut akornanni timikkut tarnikkullu ersiutit peqqissutsikkullu pitsaanngitsumik imminut naliliisarnerat, ingerlanerluttarnerat, atuannngitsuukulanerallu ataqatigiipput. Apeqquumi: ”qaammatit kingulliit 6-it iluanni qanoq akulikitsigisumik....?” timikkut tarnikkullu ersiutit makkua: *niaqorlunneq, naarlunneq, qitilunneq, aliasunneq, nakkanganeq, kamaqqajaaneq, isumalunneq, annilaanganeq, sinissaarunneq aammalu silalunneq* apeqqutigaavut. Takussutissap 7-ip atuartut assigiinngitsut ersiut arlallilluunniit sapaatip akunnerata ingerlanerani misigisarsimasaat ersersippai agguataarlugit atuarfimmi, kommunemi, nuna tamakkerlugu aammalu klassini.




4. Peqqissutsikkut pissuseq

Atuartut peqqissutsikkut pissusaat peqqissusaannut, ilikkariartornerannut aamma inuunerinut sunniuteqartarpoq. Ilisimatusarnerup aamma takutissimavaa, peqqissutsikkut pissuseq inuusuttuunerpup nalaani atugarisimasaq amerlasuutigut inersimasunngornermi malinnaasartuq. Peqqissutsikkut pissutsit pitsaasut pitsaanngitsullu ersarissassallugit aalajangersimavarput.


Siunnersuutaavoq atuartut ullaakkorsiutinik nerisassasut, atuartut eqqarsarsinnaanerinit taamaasillunilu ilinniarsinnaanerinit ullaakkorsiutinik nerineq pingaaruteqarmat. Misissuinermit apersuutigineqarpoq atuartut ullaakkut nerisarnersut ullut atuarfiusut tamaasa. Takussutissap 8-p sapaatip akunnerani ullut atuarfiusut 5-ni atuartut ullaakkut nerisarneratut ersersippai agguataarlugit atuarfimmi, kommunemi, nuna tamakkerlugu aammalu klassini.




Nerisaqarnerput peqqissutsitsinnut sunniutilerujussuuvoq. Naatitanik paarnanillu annertuumik nerisaqartarnej nappaatinik assersuutigalugu uummallunnermik kræftimillu pinaveersimatitsinermut isumalerujussuuvoq. Mamakujuttutornej, sukkulaatitornej aammalu sodavanditornej oqimaappallaarnermik, sukkornermik aammalu kigutilunnermik kinguneqarsinnaavoq. Takussutissap 9-p atuartut ulluinnarni paarnatortartut naatitortartullu aammalu mamakujuttortartut, sukkulaatitortartut sodavanditortartullu ersersippai agguataarlugit atuarfimmi, kommunemi, nuna tamakkerlugu aammalu klassini.




Aalajangersimasumik kigutigissarneq kigutit peqqissusaannut pingaaruteqarpoq. Apeqquteqarpoq: ”qanoq akulikitsigisunik kigutigissartarpit?” Takussutissap 10-p atuartut ullormut minnerpaamik marloriarlutik kigutigissartartut ersersippaa agguataarlugit atuarfimmi, kommunemi, nunalu tamakkerlugu.




Aalajangersimasumik timimik aalatitsineq tillernermillu qaffatsitsineq nukimmillu atuinerulerneq soorlu pisuttuarneq, pinnguarneq, sungiusarneq iligiikkuutaarlunilu timersorneq nappaaterpassuarnik pinaveersimatitsisinnaapput. Atuartut aperineqarput: ”ulluni kingullerni 7-nni: ulluni qassini timinnik minnerpaamik minutsini 60-imi aalatitsivit?” Takussutissap 11-p atuartut minutsini 60-imi ulluni tallimani ullut kingullit 7-uk ingerlanerani timiminnik aalatitsisimasut ersersippai agguataarlugit atuarfimmi, kommunemi, nuna tamakkerlugu aammalu klassini.




Pujortarnerup sunniutai peqqinnanngitsut ilisimalluarneqarput. Pujortaliaartarnerup annertusitittarpaa napparsimalersinnaaneq ukiuni arlalinni pujortarsimaneq kisiat peqqutigalugu. Tassunga ilanngullugu pinngitsoorsinnaajuunnaaneq kingunerisarpaa unititsinissaq piuminaannerulersillugu. Atuartut aperineqarput: ”qanoq akulikitsigisumik tupamik pujortarpit?”. Takussutissap 12-p atuartut pujortartut ersersippai agguataarlugit atuarfimmi, kommunemi, nuna tamakkerlugu aammalu klassini.




Misissuinermi pingaartillugu isiginiarsimavarput atuartut aanngajaarniutitik atuinerat – imigassaq aalakoornartoq, naamaarneq aammalu hash. Naak imigassamik aalakoornartumik tuniniaaneq taamaallaat 18-nit qaangerlugit ukiulinnut akuerisaagaluartoq hashilu inerteqqutaalluni inuusuttut aanngajaarniutitik atuinerat amerlasuutigut atuarnep nalaani aallartittarpoq. Piaartumik aanngajaarniutitik atuilerneq pitsaanngitsumik kinguneqarsinnaavoq assersuutigalugu imigassamik aalakoornartumik ajutoornernik aammalu atoqatigiinnikkut ugguutissaqalerneq haship ilikkagaqarsinnaaneq sunnertarpar atuarunnaarsinnaanerlu annerulersillugu. Takussutissap 13-p atuartut aalakoornartumik imigassartorsimasut ersersippai agguataarlugit atuarfimmi, kommunemi, nuna tamakkerlugu aammalu klassini.




Takussutissap 14-p atuartut hashimik pujortarsimasut ersersippai agguataarlugit atuarfimmi, kommunemi, nuna tamakkerlugu aammalu klassini.




Takussutissap 15-p atuartut naamaarsimasut ersersippai agguataarlugit atuarfimmi, kommunemi, nunalu tamakkerlugu.



Aanngajaarniutunik pissarsisinnaanerup periarfissiisarpoq atuisunnngornissamut. Atuartut 15-t sinnerlugit ukiullit aperineqarput pissarsisinnaanersut aperalugit: ”soqutigissagaluarukku ataani taaneqartoq ilinnut pissarsiarinissaa qanoq ajornakusoortigaa?”. Takussutissap 16-ip atuartut 15-inik ukiullit utoqqaanerusullu nalunaartut ”ajornanngitsumik” imaluunniit ”ajornanngitsuaqqamik” cigaretinik, hashimik imigassamik aalakoornartumik (immiaaraq aamma imigassat aalakoornartut kimittuut) pissarsisinnaallutik ersersippai agguataarlugit atuarfimmi, kommunemi, nunalu tamakkerlugu.




Illersuuteqarani atoqatigiittarneq kinguaassiutitigut nappaateqalersinnaaneq annertusitittarpaa naartulersoortarnerlu kingunerisinnaallugu. Misissuinermi atuartut 15-it sinnerlugit ukiullit apersorneqarput naartunaveersaatit pillugit: ”kingullermik atoqateqaravit illit atoqateqaqatillu p-pille imaluunniit usuup puua atorpisiuk?”. Takussutissap 17-p atuartut kingullermik atoqateqarsimasut naartunaveersaammik atuisimasut (usuup puua imaluunniit p-pille) ersersippai agguataarlugit atuarfimmi, kommunemi, nunalu tamakkerlugu aammalu suaassuseq.




5. Atugarissaarneq inooqatigiinnermilu attaviit


Atuartut inuunermi naleqassusaa pillugu apersorneqarput apeqqummik: *"tummeqqat takorluukkit. '10' tassa illit inuuninni pitsaanerpaaq aamma '0' illit inuuninni ajornerpaavoq, maannakkorpiaq tummeqqani illit sumiippit? Kisitsit toqqaruk ilinnut tulluarnepaaq"*. Pitsaasumik inuuneqarneq misissuinermi nalilerneqarpoq 6-imik annerusumilluunniit. Takussutissap 18-p atuartut inuuneqartut naleqarluartumik agguataarlugit atuarfimmi, kommunemi, nunalu tamakkerlugu aammalu klassimilu sorlermiinersut.




Ilaquttanut attaveqarluarneq attaveqarfimmik tapersuisumik peqartitsivoq, taakkununga atuartup ajornartorsiutini unammillikkanilu oqaluttuarisinnaavai. Takussutissap 19-p atuartut ulluinnarminni ajornartorsiutitik unammillikkatillu pillugit ilaquttaminnik oqaloqateqarsinnaanerartut ersersippai agguataarlugit atuarfimmi, kommunemi, nunalu tamakkerlugu aammalu suaassuseq.



Atuarfimmi qinngasaarisarneq atugarliorsinnaanermut peqqutinut annernut ilaavoq. Takussutissap 20-p atuartut qaammatini kingullerni marlunni atuarfimmi qinngasaarneqarsimasut ersersippai gguataarlugit atuarfimmi, kommunemi, nuna tamakkerlugu klassimilu.



Ullumikkut qinngasaarineq inuttaa toqqarlugu kisimi pineq ajorpoq aammali mobiltelefon atorlugu aammali attaveqaqatigiittarfitsigut soorlu Facebook, Snapchat, Instagram il.il. tamanna taaneqartarpoq cybermobning. Takussutissap 21-p atuartut qaammatini qinngasaarneqartarsimasut cybermobning atorlugu ersersippai agguataarlugit atuarfimmi, kommunemi, nuna tamakkerlugu klassimilu.



Ilanngussaq: atuarfiit peqataasut, peqataasullu procentii 2018-imi

Meeqqat atuartut misissorneqarneranni 2018-imi nuna tamakkerlugu peqataapput atuarfiit 53-t Qeqqata Kommunια atuarfiit 9-it peqataapput. Atuarfiit peqataasut agguataarsimaneri klassinillu peqataasimasut Qeqqata Kommunια takussutissaq 1.1 -imi ersippoq. Takussutissaq 1.2 nuna tamakkerlugu Qeqqata Kommunια peqataasimasut procentiat ersersippaa.

takussutissaq 1.1: Atuarfiit peqataasut Qeqqata Kommunια klassinut agguataarsimaneri	
Atuarfik	Klassetrin
Atuarfiit Sisimiuni	*
Atuarfik Kilaaseeraq	5 - 9. klasse**
Nunaqarfiit Qeqqata	*
ilanngussaq: *Atuarfiit peqataasut atuartullu nunaqarfinneersut tunumilu klassini peqataasut naatsorsorneqarsimangillat. **Atuartut 10. Klassinit peqataasut ilaannai misissuinermut ilaasimapput takuuk. Periuseq immikkoortumi.	

Takussutissaq 1.2: Peqataasut procentii nuna tamakkerlugu aamma Qeqqata Kommunια.	
Peqataasut procentii katillugit (nuna tamakkerlugu)	47,6 %
Peqataasut procentii atuarfiit peqataasut (nuna tamakkerlugu)	59,0 %
Peqataasut procentii katillugit (Qeqqata)	40,0 %
Peqataasut procentii atuarfiit peqataasut (Qeqqata)	40,1 %